

〔清〕郝懿行撰

爾雅疏

三

北京市中国书店

〔清〕

郝懿行撰

爾雅疏

三

北京市中国书店

爾雅郭注義疏下之一

棲霞郝懿行學

釋草弟十三

說文艸百卉也从二艸艸木初生也

商書曰庶艸繇無天官九職謂之疏材大司徒以土會之法辨其物生川澤宜膏物墳衍宜菜物原隰宜叢物鄭注膏當爲囊字之誤也蓮芡之屬淮南原道篇云秋物薺莢王棘之屬叢物菴葦之屬淮南原道篇云秋風下霜倒生挫傷高誘注草木首地而生故曰倒生莊子外物篇云草木之倒植者過半說文葍艸木倒是也草一曰蘇方言蘇草也江淮南楚之間曰蘇論衡云地性生草山性生木言生處之異也此篇所釋品羅衆卉實多識之資也

菴山韭茗山蔥勤山籬蒿山蒜

今山中多有此菜皆如人家所種者荅蔥細莖

此釋菜也說文云菜艸之可食者故先釋焉韭蔥薺
 蒜皆人家所常種其生於山則異名幽風以春蚤獻
 羔繁露因春生實豆小正以圃見紀時是皆蔬自家
 園事同井竈韭曰豐本言其根豐而葉茂也其生於
 山者別曰萑說文云萑艸也引詩會鬱及萑邢疏引
 韓詩作萑萑一名鐵說文鐵山韭也南山經云招搖
 之山有草焉其狀如韭郭注引瓌曰韭爾雅云霍山
 亦多之霍萑蓋以形近而誤說文韭一種而久故謂
 之韭今驗韭宿根在地年年分栽故言一種而久山
 中者亦象家韭而葉差狹根宿地自生○蔥之生於
 山者名蒼說文云蒼艸也一切經音義入引爾雅舊
 注云蒼一名山蔥并州以北多饒蒼蔥也北山經云
 遶春山其草多蔥韭郭注山蔥名蒼大葉與此注同
 後漢書章帝紀注蔥領在燉煌西其山高大多蔥是
 皆蔥生於山之證蒼通作格馬融廣成頌云格韭菹
 于章懷注蒼與格古字通按蒼蔥今名角蔥作莖生

有枝格旋摘旋生食之不盡其味甘而不辛冬亦不
枯管子所謂伐山戎出戎菽及冬蔥卽此○籩者說
文云菜也葉似韭按古蔥籩竝稱內則言切而和以
膏醯少儀言擇而絕其本末今惟用蔥不用籩矣王
楨農書云野籩俗名天籩生麥原中葉似籩而小味
益辛亦可供食但不多有蘇頌本草圖經云山籩與
家籩相似而葉差大玉篇勤作花廣韻引爾雅作花
山籩云花蒲罪切本亦作勤○蒜之生於山者名蔞
本草陶注小蒜根名薺子蜀本注云小蒜野生小者
一名蔞說文蒜薺菜夏小正云十有二月納申蒜申
蒜也者本如申者也按此卽今澤蒜生山澤閒葉如
鼻苳根如鳥申十二月及正月掘取食之古今注云
蒜申蒜也俗人謂之小蒜爾雅翼云大蒜爲葫小蒜
爲蒜二說竝非蒜是總名葫乃俗稱申蒜自別一種
非凡蒜俱名申也爾雅翼又引孫
炎以蔞爲山名其上出蔞亦非

蔞山蘄

廣雅曰山蘄當歸當
歸今似蘄而蘄大

爾雅翼下一釋草

二

椴木 堇 櫨木 堇

說文云蘄艸也蓋艸以蘄名者非一山蘄一名薛一
名白蘄說見下文本草云當歸一名乾歸不名山蘄
廣雅以山蘄即當歸郭云當歸似蘄而麇大釋文蘄
古芹字麇本今作麇李時珍云當歸本非芹類特以
花葉似芹故得芹名古今注云古人相贈以芍藥
相招以文無文無一名當歸芍藥一名將離故也

別二名也似李樹華朝生夕
隕可會或呼日及亦曰王蒸

釋文櫨本又作藟堇本或作藟詩有女同車傳舜木

槿也說文舜作藟云藟木槿朝華暮落引詩顏如舜

華正義引陸璣疏云舜一名木槿一名櫨一名曰椴

齊魯之間謂之王蒸今朝生暮落者是也又引樊光

云別二名也其樹如李其華朝生暮落與草同氣故

在草中按月令木堇榮爾雅謂之榮是木堇草類

也既得榮名兼膺木號於義方備海外東經有薰莖

草朝生夕歿郭注薰或作堇是亦以堇為草名樊光

所言非無據矣莊子逍遙游篇云朝菌不知晦朔釋

文引司馬彪云大芝也一名日及支遁云一名舜英

潘尼云木槿也是支潘以朝菌爲木堇司馬雖以爲芝亦同日及之名堇菌聲近支潘是也釋文大椿又引司馬云一名檨檨木槿也崔音檨華同然則椿蕤聲亦相近椿欄聲又相轉然椿壽考而蕤脆薄名雖同卽實乖矣日及玉羲之帖作日給給及通也抱朴子論僊篇云白芨料大椿白芨卽日及字形之譌郭云王蒸月令鄭注木堇王蒸也呂覽高誘注華可用作蒸是王蒸以作蒸得名今堇華蒸之可啖

朮山薊

本草云朮一名山薊今朮似薊而生山中

楊枹薊

似薊而肥大今呼之馬薊

朮說文从艸作荒繫傳今荒苗似薊也本草云朮一名山薊一名山薑一名山連吳普本草又名山芥天薊竝廣異名也陶注朮有兩種白朮葉大有毛而作極根恬而少膏赤朮葉細無極根小苦而多膏陶言白朮卽山薊赤朮卽楊枹薊爾雅下文赤枹薊郭云卽上枹薊此陶所本然赤朮今呼蒼朮矣蒼朮苗高二三尺葉似棠梨束如鋸齒根蟠如蘊華淡紫色今藥用以茅山者良然古方不言赤白也南方草木狀

云藥有乞力伽卽朮也中山經云首山多朮芫郭注用爾雅類聚八十一引范子曰朮出三輔黃白色者善枹朴子僊藥篇云朮一名山精

箭王彗

王帝也似藜其樹可以爲埽彗江東呼之曰落帚

說文作箭王彗繫傳云今落帚艸也又云今落帚或謂落藜初生時可食藜之類也本草地膚一名地葵別錄一名地麥唐本注名涎衣草蘇頌圖經名鴨舌草皆今埽帚草也枝莖蘇密乾之作帚蜀本草云子色青似一眠起蠶沙矣

葇王芻

葇蓐也今呼鴟腳沙

說文引詩葇竹猗猗今詩作綠毛傳綠王芻也終朝采綠鄭箋綠易得之菜也離騷云葇葇施以盈室兮王逸注用爾雅詩正義引舍人云葇一名王芻李巡云一物二名某氏云葇鹿蓐也說文又云蓋艸也唐

本注蓋草俗名葦蓐草葉似竹而細薄莖亦圓小按此卽今淡竹葉也其葉如竹花色淡碧人取汁入畫如點黛御覽引吳普本草云蓋草一名黃草蓋以其可染黃綠也說文葦艸可以染黃葦草卽蓋草漢書百官表云諸侯王蓋綬如淳注蓋綠也晉灼云蓋草出琅邪似艾可染綠因以名綬然則葦草卽蓋草蓋草卽葦以可染綠因而名綠葦字通也葦又作緌說文緌帛葦艸染色急就篇注緌蒼艾色是緌葦蓋並聲同葦借葦葦又一聲之轉也

拜商藿

商藿亦似藜

說文藿一曰拜商藿繫傳云商藿俗所謂灰藿也今按灰藿唐本草名白藿今名灰菜莖有紅縷葉青背白其葉心有白粉四月初生可食高數尺秋開細白葦結子作穗藜全似藿而葉心赤俗謂之紅灰菜與白者皆可食藜堪爲杖

藜蒿

蒿白蒿

今人呼青蒿香

蒿者為藜

藜

無子

藜說文作藜詩采藜傳藜蒿也七月傳藜白蒿也

正義引孫炎同左氏隱三年正義引陸璣疏云凡艾

白色為蒿蒿今白蒿也春始生及秋香美可生食又

可蒸一名游胡北海人謂之芻勃夏小正云藜母者

芻勃也邢疏引本草白蒿唐本注云此蒿葉麤於青

蒿從初生至枯白於眾蒿所枉有之又云葉似艾葉

上有白毛麤澀俗呼蓬蒿可以為菹今按白蒿或說

即萋蒿非也萋蒿初生雖白而非白蒿爾雅萋有專

條說見下文○說文蒿藪藪香蒿也藪或作藪詩鹿

鳴正義引陸璣疏蒿青蒿也荆豫之間汝南汝陰皆

云藪也又引孫炎云荆楚之間謂蒿為藪是藪即青

蒿青蒿即草蒿本草草蒿一名青蒿一名方潰陶注

處處有之即今青蒿人亦取雜香菜食之按黃蒿氣

臭因名臭蒿青蒿極香故名香蒿黃蒿不堪食人家

採以罨醬及黃酒麴青蒿香美中啖也○藜者說文

云牡蒿也詩蓼莪正義引舍人曰藜一名牡藪某氏

作蘼釋文引孫李本作蘼从古文也鄭樵通志以彫蓬為彫胡黍蓬為野菱楊慎卮言以蓬有水陸二種彫蓬乃水蓬彫菰是也黍蓬乃旱蓬青科是也青科結實如黍羌人倉之今松州有焉此二說竝無依據蓬乃蒿類與菱菰別李時珍本草菰米下引孫炎云彫蓬卽菱米亦未可信

葦鼠莞

亦莞屬也纖細似龍須可以為席蜀中出好者

說文莞艸也可以作席書正義引樊光曰詩云下莞上簟郭云似龍須者中山經云賈超山多龍修郭注龍須也似莞而細出山石穴中可以為席是鼠莞卽龍須之屬龍須本草名石龍芻一名草續斷一切經音義四引爾雅作葦鼠莞今从宋本作葦疑書寫之誤宜據以訂正

勤鼠尾

可以染阜

勤一名鼠尾吳普本草名山陵翹陶注田野甚多人採作滋染阜蜀本注云葉如蒿莖端夏生四五穗穗

苦車前華有赤白二種按今蔓草野人呼鵝子背結
莢銳長形如鳥背亦似鼠尾也御覽九百九十五引
孫炎云勤巨盈切可染阜

荇莫大薺

薺葉細俗呼之曰老薺

荇說文作析易通卦驗立冬薺麥生月令鄭注以薺
爲靡草之屬薺之大者名荇莫南都賦云荇莫芋瓜
齊民要術十引舍人曰薺有小故言大薺廣雅荇莫
馬辛也本草荇莫一名薺析一名大莪一名馬辛生
川澤及道菊呂覽任地篇云孟夏之管殺三葉而穫
大麥高誘注管終也三葉薺亭歷荇莫也是月之季
枯歛大麥熟而可穫高分薺與荇莫爲二非也薺之
老者其葉轉細謂之大薺非大其葉郭注得之類聚
八十二引郭注作似薺
葉細今本脫去似字

藻虎杖

似紅草而麤大有細刺可以染赤

蔕即紅草之大者本草陶注田野甚多狀如大馬蔕莖斑而葉圓齊民要術六作杭子法如無杭皮用虎杖根即此

孟狼尾

似茅今人亦以覆屋

孟玉篇作蓋俗御覽九百九十四引廣志云狼尾子可作黍子虛賦云其卑溼則生藏葭蒹葭史記集解引漢書音義云葭葭尾草也是葭尾即狼尾郭注子虛賦云藏葭草中牛馬芻按今狼尾似茅而高人以苦屋俗名蘆稗莖

瓠

瓠中瓣也詩云齒如瓠

說文匏瓠也詩匏有苦葉傳匏謂之瓠通作壺詩八月斷壺傳壺瓠也又通作華郊特牲云天子樹瓜華鄭注華果瓠也是華讀為瓠瓠華古音同也瓠曰瓠臚或作壺盧亦作瓠瓠有甘苦二種詩云甘瓠纍之

魯語云苦匏不材於人其濟而已今農家言瓠之甘者來年或變苦欲驗之於蔓初生時嚼其莖葉苦卽拔去之瓠中實謂之瓣釋文引舍人本瓠作瓠釋云瓠也詩正義引孫炎云棲瓠中瓣也郭注同引詩齒如瓠棲毛詩作瓠犀段借字也傳云瓠犀瓠瓣本爾雅又爾雅本亦有作瓠犀者文選祭古冢文注及御覽九百七十九引爾雅竝作瓠犀瓣是也瓜中實亦曰瓣說文瓣瓜中實也御覽引吳普本草云瓜子一名瓣七月七日採可作面脂是瓜子名瓣之證

茹蘆茅蒐

今之菹也
可以染絳

說文茅蒐茹蘆人血所生可以染絳又云茜茅蒐也茜與菹同中山經云釐山其陰多蒐郭注茅蒐今之菹草也詩東門之墀正義引陸璣疏云一名地血齊人謂之茜徐州人謂之牛蔓蜀本草圖經云染緋草也葉似棗葉頭銳下闊莖葉俱澀四五葉對生節間蔓延草木上根紫赤色按葉甚光澤今田家名驢餼

子驢喜啖之也茅蒐所染謂之靺鞞而靺鞞即茅蒐之合聲詩瞻彼洛矣傳云靺鞞者茅蒐染草也明鞞鞞疑鞞鄭箋靺鞞者茅蒐染也茅蒐靺鞞聲也正義引鄭駁五經異義云靺草名齊魯之間言茅蒐聲如靺鞞陳畱人謂之禱晉語云靺韋之跗注韋昭注茅蒐今絳草也急疾呼茅蒐成靺也胡培翬曰鄭箋茅蒐靺鞞聲也謂茅蒐聲近靺也聲上鞞字衍文左傳正義及國語注引皆云靺聲無鞞字余按靺為茅蒐之合聲茅蒐聲轉即靺鞞非衍也古讀蒐从鬼得聲陸氏釋文蒐色畱反非矣李孫義與郭同

果羸之實栝樓

今齊人呼之為天瓜

栝樓果羸聲相轉羸當為蒴栝樓當為苦萋皆段借也說文云萋萋果蒴也在木曰果在地曰蒴苦萋實兼二名詩東山正義引李巡曰栝樓子名也孫炎曰齊人謂之天瓜爾雅釋文引本草栝樓一名地樓一名天瓜一名澤姑一名果羸實一名黃瓜陶注云出近道藤生狀似土瓜而葉有叉實中人今以雜作手

膏用也按栝樓以實得名故詩及本草皆以實言其實黃色大如拳山中人呼爲生牛膽

茶苦菜

詩曰誰謂茶苦菜可食

說文茶苦菜也經典單言茶者如采茶薪樗堇茶如飴及誰謂茶苦皆謂苦菜也單言苦者如詩采苦采苦內則濡魚包苦實蓼及公倉大夫禮鉶芼羊苦亦皆謂苦菜也詩絲正義引樊光曰苦菜可食者也爾雅釋文引本草云苦菜名茶草一名選別錄云一名游冬生山陵道菊冬不歿月令孟夏之月苦菜秀易通卦驗玄圖云苦菜生於寒秋經冬歷春得夏乃成今苦菜正如此處處皆有葉似苦苣亦堪食但苦耳顏氏家訓書證篇云葉似苦苣而細摘斷有白汁花黃如菊李時珍云稍葉似鶴鶩故名老鶴菜合顏陸李三說可盡茶菜之形狀邵氏正義引夏小正云四月取茶茶也者以爲君薦蔣也此引非也小正取茶乃是茅秀非苦菜也蔣爲薦蔣非供食也詩有女如荼周禮掌茶國語望之如荼皆謂茅秀非爾雅苦菜